



Broj: 11-19-11-2-3695-IV/24

Datum: 13.12.2024. godine

Na osnovu člana 43. i člana 45. stav 2. i stav 3. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2024. godini, v.d direktor, donosi:

O D L U K U

o poništenju postupka Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluga spajanja ventilacije od instrumenta LIBS na krilo prozora u Centru za forenziku

I

Poništava se Odluka o izboru najpovoljnijeg ponuđača u postupku Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 - Usluge spajanja ventilacije od instrumenta LIBS na krilo prozora u Centru za forenziku, broj: 11-19-11-2-3695-IV/24 od 04.12.2024. godine, kojom je ugovor dodjeljen ponuđaču „GALBOLS“ d.o.o. Sarajevo, ponuda broj: 111/24 od 27.11.2024. godine, iz razloga što je ponuđač „**GALBOLS**“ d.o.o. Sarajevo propustio u skladu sa tačkom 2. tenderske dokumentacije dostaviti dokaze koji su traženi tenderskom dokumentacijom u roku od 5 dana od dana zaprimanja Odluke o izboru, što je u skladu sa članom 72. stav (3) tačka a) Zakona o javnim nabavkama BiH.

II

Prihvata se prijedlog Komisije za provođenje konkurentskih i pregovaračkih postupaka nabavke, u postupku Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluga spajanja ventilacije od instrumenta LIBS na krilo prozora u Centru za forenziku, te se isti **poništava** u skladu sa članom 69. stav (2) tačka (d) Zakona o javnim nabavkama BiH.

II

Za izvršenje Odluke zadužuje se Sektor za finansije i javne nabavke, Federalne uprave policije.

V

Ova Odluka objaviće se na internet stranici Federalne uprave policije www.fup.gov.ba istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Odluka stupa na snagu danom donošenja.

OBRAZLOŽENJE

Federalna uprava policije je provela konkurentski postupak Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluga spajanja ventilacije od instrumenta LIBS na krilo prozora u Centru za forenziku, broj Obavještenja o javnoj nabavci: 1412-7-3-359-3-175/24.

Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluga spajanja ventilacije od instrumenta LIBS na krilo prozora u Centru za forenziku iznosi 1.030,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju 09-19/1-30-2-15 od 04.01.2024. godine i Rješenje o izmjeni rješenja, broj: 11-11/4-30-2-15/24 od 18.09.2024. godine.

U postupku je utvrđeno da je Komisija u svemu pravilno postupila, te da je preporuka o poništenju postupka Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluge spajanja ventilacije od instrumenta LIBS na krilo prozora u Centru za forenziku data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da je zaprimljena jedna (1) ponuda, koja je ujedno i blagovremena, i to ponuđača: „GALBOLS“ d.o.o. Sarajevo;
- da nije bilo neblagovremeno zaprimljenih ponuda;
- Komisija je konstatovala da je ponuda ponuđača: „GALBOLS“ d.o.o. Sarajevo **prihvatljiva**;
- u cilju ispravnosti cijena navedenih u ponudi, Komisija je izvršila matematsku kontrolu prihvatljive ponude od ponuđača „GALBOLS“ d.o.o. Sarajevo, te utvrdila da je ponuda matematski ispravna;
- obzirom da je tenderskom dokumentacijom u skladu sa tačkom 8. predviđeno održavanje e-Aukcije, a kako je zaprimljena samo jedna ponuda Komisija je u skladu sa Pravilnikom o uslovima i načinu korištenja e-Aukcije („Službeni glasnik BiH“, broj: 80/23) dala preporuku Ugovornom organu da se za postupak Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluge spajanja ventilacije od instrumenta LIBS na krilo prozora u Centru za forenziku dodjeli Ugovor ponuđaču „GALBOLS“ d.o.o. Sarajevo, ponuda broj: 111/24 od 27.11.2024. godine, sa ponuđenom cijenom od 1.024,00 KM bez PDV-a, odnosno 1.198,08 KM sa PDV-om;
- Tačkom II. Odluke o izboru najpovoljnijeg ponuđača, broj: 11-19-11-2-3695-IV/24 od 04.12.2024. godine izabrani ponuđač „GALBOLS“ d.o.o. Sarajevo je bio dužan dostaviti dokaze koji su traženi tenderskom dokumentacijom u roku od 5 dana od dana zaprimanja Odluke o izboru, što je isti propustio, te je s tim u vezi Komisija predložila poništenje Odluke o izboru najpovoljnijeg ponuđača i poništenje postupka Nabavke radova građevinsko-zanatskih i električarskih u kompleksu Rakovica, te radova u Centru za forenziku i Specijalnoj policijskoj jedinici, LOT 4 – Usluge spajanja ventilacije od instrumenta LIBS na krilo prozora u Centru za forenziku.

Iz navedenih razloga, a primjenom člana 69. stav (2) tačka (d) i člana 72. stav (3) tačka (a) Zakona o javnim nabavkama BiH, odlučeno je kao u dispozitivu ove Odluke.

